



Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi
Ad Thermas Cardinalis Presbyteri Opera Quotquot
hactenùs separatim edita fuerê Omnia**

Bona, Giovanni

Antverpiae, 1677

§. 7. Deprecatio pro omnium necessitatibus.

urn:nbn:de:hbz:466:1-10805

gloriae tuae humi proyolutus, quam maximo possum amoris, reverentiae, & devotionis affectu, volo & intendo hodie Sacrosanctum Missæ Sacrificium altissimæ Majestati tuae, cui soli debetur, juxta ritum S. Romanæ Ecclesiæ offere, & ex nunc offero, una cum omnibus sacrificiis tibi placitis, quoquot à principio mundi oblata sunt, & usque ad finem offerentur; simulquæ pretium sanguinis, & cunctos labores ac cruciatus Redemptoris nostri, omnia merita Sanctissimæ & immaculatae Genetricis ejus; omnium Sanctorum virtutes, totiusque militantis Ecclesiæ laudes & preces. In unione illius admirabilis sacrificii, quod idem Unigenitus tuus ultimâ Cœnâ instituit, & in Cruce consummavit factus Sacerdos sua victimæ, & victimæ sui Sacerdotij: affectu ac nomine ejusdem, totiusque Ecclesiæ sua sanctæ, & omnium mecum quocunque modo offerentium: ex puro tui amore ac desiderio tui beneplaciti semper & in omnibus perficiendi. Ad tuam maximam laudem, & cultum, & gloriam: in protestationem supremæ tuae excellentiæ, Dominii tui in omnes creaturas, & nostræ subjectionis & dependentiæ à te: in cultum latræ tibi soli debitum, simul cum adorationibus tibi gratissimis ejusdem Christi Filii tui, B. Virginis omniumque Angelorum & Sanctorum. In memoriam vitæ, passionis, & mortis præfati Domini nostri, & in obedientiam ejusdem mandati, quo præcepit, ut idem in ejus commemorationem faceremus. Ad honorem & augmentum gloriæ Deiparæ Virginis, omnium Angelorum & Sanctorum, eorum præsertim quorum hodie festivitas celebratur. In gratiarum actionem pro universis beneficiis tuis, quæ mihi indignissimo peccatori, cunctisque hominibus, & omni creaturæ conferre dignates. In propitiationem & satisfactionem pro peccatis totius mundi, & pro meis specialiter, de quibus doleo, quæque detector & abominor super omne detestabile, quia tibi maximoperè displicent cum firmo proposito emendationis. Et quia hoc sacrificium vim impetratoriam insinuat habet, offero illud pro meis, & omnium viventium, ac defunctorum necessitatibus: & primò quidem fructum quem possum & debeo illi principaliter applico; pro quo celebrare intendo, & si forte contingat eum non indigere, vel non esse capacem, opto & volo hunc fructum ad N. derivari: cum applicatione Indulgientiarum mihi vel tali defuncto. Secundario

autem sine ejus præjudicio, pro quo offerre priuarij teneor vel intendo, offero pro omnibus mihi peculiariter commendatis, pro N. & N. pro tali gratia obtainenda, & pro cunctis viventibus atque defunctis, pro quibus me indignum famulum tuum legatione apud te fungi voluisti, ut defunctis requiem indulgeas, viisque gratiam concedas tibi serviendi, & in amore tuo usque in finem perseverandi. Amen.

S. VII.

Deprecatio pro omnium necessitatibus.

Memento Domine per viscera misericordiae tuæ, per merita Filii tui, quem pro nobis oblatum nunc denud offero, per merita B. Virginis, & omnium Sanctorum, memento Ecclesiæ tuae, Sponsæ tuae, auge in ea puritatem fidei, & munditatem sanctitatis, & labore viorum Apostolicorum dilata eam toto orbe terrarum. Conserva eam quietam & tranquillam, & portæ inferi non prævaleant adversus eam. Hostium ejus elide superbiam; & gentes à fide alienas veritatis tue spendorè collustra, ne pereat tot imagines tuae, pro quibus pretiosus Filii tui sanguis effusus est. Da summo Pontifici nostro N. cor docile, da Spiritus Sancti abundantiam, ut populo sibi commissio verbo & exemplo præluceat. Intende oculos pietas tuae in universos Ecclesiæ Præsules & Pastores, & fac eos super gregem sibi commissum fideliter excubare. Adepto Parochis & Presbyteris, & omni Clero, ut nulli præbeant scandali occasionem, diligent puritatem, & ea sequantur quæ pacis sunt. Esto propitius omnibus Religiosis, quos separasti tibi in hereditatem de universis populis terræ: da illis continuum in virtute profectum, votorumque ac regularum exactissimam observantiam. Da huic domui bonorum temporalium sufficietiam, & spiritum excita in Prælatis nostris, & in cunctis fervorem accende. Suscita in Ecclesia tua strenuos operarios, qui eam verbo fideliter pascant, & exemplo confirmant. Da eis rectam mentis intentionem, zeli sinceritatem, contemptum sui, animi robur, virtutis constantiam. Effunde miserationes tuas, Domine Princeps Regum terræ, in omnes Reges & Catholicos Principes, eisque tribue in obedientia Fidei & Ecclesiæ perseverantem

fac.



famulatum, subditorum curam, iustitiae zelum, mutuam pacem, & observantiam mandatorum tuorum. Tuum etiam auxilium cunctis Magistratibus praebet, ut pacata gubernatione subjectos regant, te in omnibus iudiciis suis timeant, tibique jugiter placere contendant. Da omni statui Ecclesiae abundantiam gratia tua, ut unusquisque in ea vocatione, in qua vocatus est, tibi dignè & laudabiliter famuletur. Da Virginibus castitatem, Deo dicitis continentiam, conjugatis sanctimoniam, paenitentibus indulgentiam, viduis & orphanis sustentationem, pauperibus protectionem, peregrinantibus redditum, navigantibus portum: iustis perseverantiam, bonis ut meliores fiant, tepidis ut fervescant, malis & peccatoribus, qualem me dolens esse confiteor, ut convertantur. Conserva Cælum in salubritate, terram in fertilitate, fructus in maturitate, mundum in providentia omni ex parte sufficienti. Respic omnes ægrotos, afflitos, tentatos, agonizantes, & in aliquo periculo vel necessitate constitutos, & da illis auxilium, remedium, consolationem, prout expedite ad gloriam tuam, & illorum salutem. Supplex item oro te, benignissime Deus, pro omnibus inimicis meis, quos intimè diligo: pro iis, qui me offenderunt, vel quos ego offendì aut scandalisavi, ut eis in omnibus beneficias, & pectora eorum sancto igne tuae charitatis succendas. Misericordia omnium pro quibus orare debeo, vel qui se commendaverunt indignis orationibus meis, omnium præcipue consanguineorum, affinum, amicorum, & benefactorum meorum N. & N. Exaudi preces & vota ipsorum, & subveni eorundem ad te clamantium necessitatibus. Oro te quoquid pro tali re & negotio N. N. ut felicem exitum sortiatur, si saluti nostræ profuturum esse cognoscis. Memento etiam Domine Rex æterne, cui omnia vivunt, animarum omnium fidelium defunctorum, præfertim N. & N. super quas invocatum est nomen tuum. Extingue earum ardorem optato ore misericordiae tuae, & citò purgatas in conspectu tuo admittre. Pro meipso tandem infelicissimo peccatore clementiam tuam humillimè imploro, ut per virtutem hujus Sacrificii universa peccata mea dimittas mihi, quæ multiplicata sunt supernumerum arenæ maris. Audi sanguinem Filii tui altius clamantem quam sanguis Abel, & in virtute hujus oblationis miserere servi tui, secundum magnam misericordiam

tua. Dirige me in via tua, & doceme facere voluntatem tuam. Augé in me fidem, spem, charitatem, & reliquias virtutes statui meo necessarias. Da terrena despicere, & amare caelestia. Posside me jugiter secundum beneplacitum tuum, ut te in omnibus & ubique inveniam, donec per felicem mortem ad te merear pervenire. Amen.

S. VIII. *

*Specialis oblatio Sacrificij quatenus est.
Latreuticum.*

Sancta Trinitas unus Deus, rerum omnium principium & finis, cuius potentia, sapientia, bonitas, & magnitudo incomprehensibilis est, toto corde & corpore prostratus adoro te; tibique hodie sacrificium offerri intendo Corporis & Sanguinis Domini mei Jesu Christi pure propter te, ad maiorem tui gloriam, in protestationem supremi dominij tui in omnes creaturas, & nostræ subjectionis ac omnimodæ dependentiæ à te: in recognitionem infinitæ tuae perfectionis, beatitudinis & gloriae, omniumquæ operum tuorum, quæ summoperè gaudeo à nulla creatura dignè posse æstimari. nisi à te Pater omnipotens, æterne Deus, & ab Ungenito tuo Salvatore nostro, qui tecum & cum Spiritu Sancto unus est Deus, unus est Dominus: quem ideo tibi in Sacrificium laudis offero tuâ infinitâ maiestate dignissimum, in cultum latriæ tibi soli debitum, cum omnibus obsequiis, laudibus & adorationibus, quibus te olim glorificavit in terris: una cum meritis, laudibus, & adorationibus Beatissimæ Virginis Mariae, omniumquæ Angelorum, & Sanctorum. Quis enim ego sum vermiculus terræ, & opprobrium hominum, ut audeam faciem meam levare ad te, & aspicere altitudinem Cæli? Christi igitur Filii tui, & omnium electorum meritis onustus accedo ad te, eorumquæ nomine & affectu abjicio me corpore & spiritu ante thronum Divinitatis tuae, ut intelligat universus orbis, me esse opus manuum tuarum, & tanquam nihil ante te. O quam gratum & jucundum mihi foret, per omnes undique regiones omnes homines videre in genua provolutos te adorare! Sed quia plerique te non cognoscunt, vel cognitum non venerantur, pro his quoque te adoro, tequæ humillimè deprecor, ut hanc oblationem Filii tui suscipere digneris in supplementum peccatorum & blasphemie.